



小  
 報  
 通  
 行

聚興報房

風陵文庫  
 文庫 19  
 F 44  
 6  
 早稲田大学図書館



光緒二十年五月初四日

目錄

諭旨

都察院

奏

請

蘇撫奎

奏

請

正廷琦

現換麻地紗袍褂

蘇撫奎

蘇興隆

禮部  
禮部  
禮部  
禮部

禮部

禮部

五月十四日

五月初四日刑部都察院大理寺待衛處值日無引  
山東知府總椿謝恩候補道陸維祺何煥章謝恩  
福中堂續假五日書正廷琦預備召見軍機  
德椿陸維祺何煥章書正廷琦現換麻地紗袍褂

蘇赫到縣斯同欵章書丑我部 既蘇和此遊所歸  
蘇中堂齋到五日 專取長批既... 具  
山東城林林海 具 蘇赫到縣斯同欵章書丑我部  
蘇中堂齋到五日 專取長批既... 具

都察院左都御史 以裕德等謹 奏為清理京控案件以  
於府獄而免稽延恭摺仰祈 聖鑒事竊臣等門接收各  
省京控呈詞分別應奉應咨發還公同查核大率戶婚田  
土錢債細故以及事不干已牽涉多人甚至挾嫌圖詐添  
砌重情越次賈訴者均一概發還具有實錄命案等案暨  
各項真 正諭本日 召見之山東武定府知府德椿兩耳  
最重者即 重聽着以原品休致欽此 則由 院咨交各省  
大吏提提研訊仍照向章分別奏咨等因奉 聖旨三個月將



已屆例限各案咨催趕辦如半年尚未核結即詳細開單  
奏奉統計一年內奏案咨案如咨催兩次彙奏兩次其由  
步軍統領衙門奏咨發交各省審訊之案亦歸臣院催奉  
案內辦理並於彙奏之時知照吏部查取承審遲延職名  
照例議處歷經遵辦在案各省督撫自應隨時清理迅速  
審斷以免懸宕乃近來各省督撫等官視催奉之案竟若  
具文並不認真稽核逾限未結者亦不將承審職名開送  
竟有道光咸豐同治年間發交審訊至今尚未核結者歷  
次催奉置若罔聞臣等伏查從前控案凡涉命盜等案半有  
理因而奸民得售其技任意牽控嗣閱各省審結覆文多  
係砌詞妄控拖累無辜一經交辦被牽者受累無窮及至  
案情得白業已身家俱破不得不於接呈時詳加查核實  
有真正冤情方准伸理其中情節支離雖係命盜重案已  
由該上司批飭審辦並無枉斷情事仍令回原省聽審原  
冀發交案件較少易於清厘無如各省督撫積習相沿依  
限咨報完結者仍復寥寥推原其故皆緣督撫不為親提

或交讞局或批府縣承審官徇於原勘委員碍於情面互相袒庇率以懷疑誤控事出有因二語調停遷就迴護彌縫甚至刑磨勒結希圖了事原被不肯輸服則又藉口以犯供狡展要證未齊遷延懸擱遂至被屈者寃莫能伸牽連者橫受拖累或竟全案瘕斃辨訴無人玩泄因循殊失朝廷明慎用刑之道若不勒限整頓何以清積牘而雪民寃臣等公同商酌擬請 飭下各直省督撫將軍都統

府尹凡十九年三月以前已入彙奏未交咨交各案有年分以遠原被無人者准其確切查明據實報明查銷以省

公牘應得處分懇

恩寬免其現審未結各案逐件清

厘概就在案犯證秉公研鞫如原告審寔立予平反砌詞誣告照例反坐統於文到之日予限半年全行審結不得以懷疑換控等語故違遷就亦不得再以要証未齊率請展緩致令拖延懸宕永無了期倘逾半年之限仍未審結即將承審遷延各官指名奏該督撫屆時不奏即由吏部將該督撫照應結不結例奏參議處並令各省督撫等

官於奉文後查明除應銷外未結之案共幾起某日起限  
詳細開單豫先報明臣院及吏部刑部以憑稽核至十九  
年四月以後奏交咨交之案仍照向章半年不結由臣院  
彙奏知照吏部行文查取承審逾限職名照例議處如督  
撫不將職名開送吏部即將該督撫查叅吏部屆時不叅  
差由臣院指叅業經展限者歸入下屆彙叅案內辦理如  
此認真整頓庶可以清案牘而免積壓臣等為慎重刑獄  
准理獄訟起見謹將臣院及步軍統領衙門十九年三月  
以前奏交咨交各省京控案件經此次勒限之案統歸舊  
案無庸列入每季彙催彙叅單內以清眉目分別開單恭

上諭都察院奏清理京控案件以矜庶獄而免稽延一摺據稱  
該衙門接收京控呈詞分別奏案咨案定期三個月咨催趕辦  
近來各省督撫等官並不認真稽核逾限未結者亦不將承  
職名開送推原其故皆緣督撫不無親提承審官互相袒庇率  
以懷疑故控身出有因二語調停迴護又藉口於犯供狡展要  
証未齊遷延懸擱似此玩泄因循殊屬不成事體若不勒限整  
頓何以結積牘而雪民冤着各直省將軍督撫等遵照該衙門  
所奏統於文到之日予限半年將積年未結各案分別查銷審  
結如逾限不結即着照例叅處其十九年四月以後奏咨各案  
仍照向章依限審結不得再有遲延積壓用副朝廷矜恤庶獄  
至意欽此





發蘇州府督審去後茲據署蘇州府知府林文炳督同該  
縣梅崇誥審明擬議由署臬司黃祖絡復訊解勘前來奴  
才親提研鞫緣陸幅襟精隸昭文縣確米慶日已死陸顧  
氏係陸幅襟之親母陸幅襟平日孝順從無違犯光緒二  
十年二月二十日夜陸幅襟酒醉回家其父陸根幅傭工  
未回陸顧氏在房紡絲陸幅襟即令陸顧氏煮飯陸顧氏  
斥其酒醉陸幅襟分辯陸顧氏即取小橙向毆陸幅襟酒  
醉糊塗用手架格致橙腳碰傷陸顧氏頂心或痛倒地陸  
幅襟畏懼扶救其時陸根幅自外歸家陸顧氏之兄顧金  
科亦聞信趨至詢悉情由詎陸顧氏傷重旋即殞命報縣  
驗訊稟經批飭該縣押犯進省遞交蘇州府督審茲據該  
府審明議擬由司解勘據供前情不諱守詰不移案無遁  
飾查律載子毆母殺者凌遲處死等語此案該犯陸幅襟  
因伊母陸顧氏斥其酒醉用橙向毆該犯輒敢用手架格  
致橙腳碰傷陸顧氏頂心身死是屬形同鳥獍自應按律

問擬陸幅襟合依子毆母殺者凌遲處死律擬凌遲處死  
查昭文縣至省中有河湖間隔自應在省辦理奴才即請  
王命飭委署江蘇臬司黃祖紹奴才標下中軍叅將常福  
督飭府縣將該犯陸幅襟綁赴市曹凌遲處死將首級解  
回犯事地方懸杆示衆以昭炯戒無干省釋屍棺飭埋除  
供招咨部外所有審明按律辦理緣由理合會同兩江總  
督臣劉坤一恭摺具陳伏乞  
皇上聖鑒  
敕部查照施行謹  
奏  
奉  
朱批刑部知道欽此

